



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelæ Geographiae Veteris Et Novae

Briet, Philippe

Parisiis, 1649

§. 1. Nomen Suecorum.

urn:nbn:de:hbz:466:1-13167

CAPVT PRIMVM.

*De Suecia in genere.**§. 1. Nomen Suecorum.*

NO MEN inditum huic Prouinciæ à Sueanno filio Magogi Noëmi ex Iapheto filio nepote, ut primæ huius regni historiæ, seu fabulæ testantur. Vel fortè à Suionibus Scandiæ populis, de quibus in veteri.

§. 2. Quantitas Suecorum.

QUANTITAS eius secundùm latitudinem desumitur à Christianopoli 56. 2. Mi. ad ostium Fl. Paës sub 70. quod spatium reddit 820. millia passuum, seu leucas nostras Francicas 410. Suecicas 137. ferè. Secundùm longitudinem ab Insulis in littore Occidentalí Gothiæ, quas vocant Patenostres 32. ad Fanum S. Nicolai ad Lagogam lacum 57. quod spatium ad maiorem circulum reuocatum sub gradu 60. latitudinis dat 750. millia passuum, leucas nostras 375. Suecicas 125.

§. 3. Qualitas Suecorum.

HIC aër ferè purior est, quare omnes Sueci *manpoëoi*. Obnoxij tamen sunt morbo qui ex falsis cibis, & parietum frigore contrahitur, *scoërbuck* appellant, nos mollius *le Scurbut*, qui tamen aquâ absynthio dilutâ sanatur. De frigore huius regionis dicemus in Admirandis.

DIVITIÆ. Sub finem saeculi præcedentis Rex inferebat in aerarium omnibus subductis & impenis 7. auri *Tonas* ut vocant, quarum singulæ 100. millia thalerorum exigunt, seu ferè 100. aureorum nostrorum millia: licet arces duæ Reuelensis, & Viburgensis 100. millia thalerorum absument, quæ tamen summa ei ex sale Liuonico conficitur in præsentia. Reliqua petit ex vectigalibus, portoriis & fodinis. Certè tantum æris hinc eruitur, ut materiem tormentorum bellicorum, atque campanarum omnibus Europæis suppeditet.

Parall. Geogr. Tom. II.

X